



18. november - 2024

UKA2024/129-130

Kommunit aningaasaqarnertik nammineernerullutik akisussaaffeqarnerullutillu aqussinnaalernissaat pillugu Naalackersuisut UKA2025-mut nalunaarusioqqullugit peqquneqarnissaannik Inatsisartut aalajangiiffigisassaattut siunnersuut. (UKA24/129)
(Inatsisartunut ilaasortaq, Aqqalu C Jerimiassen, Atassut)

Kommunit nutaamik agguataarlugit aaqqissuunneqarnissaat pillugu Naalackersuisut UKA2025-mut agguaassassamik nalunaarusioqquneqarnissaannik Inatsisartut aalajangiiffigisassaattut siunnersuut. (UKA24/130)
(Inatsisartunut ilaasortaq, Aqqalu C. Jerimiassen, Atassut)

Siullermik Siumumiik Aqqulu C. Jerimiassen, Atassut qujaffingerusupparput, kommunit aaqqissuusaaanerannut, oqartussaaqataanerannullu sukataartuarmat.

Siumumi pingaartitatta ilarivaat, tamat oqartussaaqataanerat. Innuttaasunik qinikkat tamatta, innuttaasunut sinniisaavugut aammalu inuiaqatigiit sinnerlugit politikikkut sullissisuuvugut.

Siunnersuuteqartoq siornatigut kommunenut tunngasunik saqqummiussaqaqarnikuuvoq, tamannalu tunngavingalugu kommunit aaqqissuusaaanerat nalilernerqarpoq. Naliliinerup ersersippaa innuttaasut naammagisimaarinnerat annikittoq. Ilaatinneqarnerunissartik aammalu piffinni allaffissornikkut qitiusoqarfimmiingittut akuutinneqarnerunissartik pingaaruteqartippaat. Pingaaruteqarpormi kommunep suliassani innuttaasunut pitsaasumik naammassisinnaassangaai.

Naliliineq tunngavingalugu Naalackersuinikkut ataqatigiissaarisut, suleqatigiisitamik pilersitsisoqarnissaa inassuteqarpoq. Tassanilu suliassat assigiinngittut Naalackersuisut oqaaseqaatiminni taakkartorpaai.

Siumuminngaanniit tamanna naammangisimaarparput aammalu takusinnaallugu taamatut suleqatigiilluni aaliangiussaqaqarneq angusaqarfiulluarnerpaaffiusinnaasoq, nalunaarusiuunnarnerminngaanniit.

Siumumiik aamma siunersuuteqartoq qujaffingerusupparput, siunnersuummut allamut, tassa kommunetoqqanut utissangaluarutta, pitsaaqutaai, ajoqutaai aallalu qulaarjarneqassasut, taannali suli naammassisimangimmat, Naalackersuinikkut ataqatigiissaarisut aaliangernissartik kinguartilaarsimangaat.

Siumumiik taamaakkaluartoq nalilersuisimaneq naapertorlugu assigiinngittunik suleqatigiinnik sularineqarsinnaasunik saqqummiilaarusuppugut:



- Illoqarfinni anginerninngaanniit kommunalbestyrelsimut minnerpaamik ataatsimik aallartitaqalernissaq.
-
- Illoqarfiit angissusaat naapertorlugu aallartitat amerlassusaat annertunerusinnaasoq.
- Nunaqarfiit kommuunip aningaasaqarnermut aqutsinermini aningaasaliissutissat minnerpaaffilersinnaanissaat.
- Nunaqarfiit ineriartornissaannik qulakkeerinnissasut.
- Nunaqarfinni siulersuisut kommunalbestyrelse- mut pisussaaffiliisumik oqaaseqaateqarsinnaalissasut.
- Kommunalbestyrelsip illoqarfiit, nunaqarfiit pulaartarnissaannut minnerpaaffiliineq

Siumuminngaannit qularinngilarput suleqatigiisitamik pilersitsinissamik siunertaqarneq alloriarnerussasoq pitsaasoq, tamannalu neriuppugut . Neriuppungullu qangamut uterniaannarnani, avissaartuunniannarni, suleriaatsit pitsaanerpaat, nunatsinnut tulluarsakkat anguneqarsinnaassasut. Siumumiik isumaqataavugut, ullumikkut ingerlaaseq akuersaaruminaattoq, taamaattumillu aaqqissuussaannermik pitsaanerusumik nassaartariaqartugut. Allat ilaarsiinnarnagit, uangulli pisinnaasagut, pisariaqartitagut, minnerunngittumillu piginnaaningut naapertorlugit piviusorsiortumik aaqqiisoqassasoq neriuutingaarput.

Naggataatigullu oqaatingerusupparput, siunnersuuteqartoq paasilluinnaratsigu, siunnersuutaalu ajunngilluinnartut, kisiannili suliaq allatulaaq ingerlanneqalereersoq tunngavingalugu itingartitsilluta, naatsorsuutingaarpummi Naalakkersuisut, kommune-lu suleqatigiikkunik, ataatsimiisitaliamillu suliaqartitsisumik aaqqiippata, angusassaq angusaqarfiunerpaangallarsinnaasoq.

Siumumiik taamatut oqaaseqarluta siunnersuutit immikkoortoq 129 aamma 130 itingartippagut.

Qujanaq.

Kuno Fencker, Siumut